

空同诗集



空同詩集卷之二十五

明北郡李夢陽撰

五言律

乙丑逢先大夫誕辰是歲適蒙
恩詔加贈製字四十用寫哀痛

兄以西堂落成蓋悵然有念於二親余心交痛頌義
追德爰成茲詠焉

讀直道陳公祚遺事

哭郡守郝公

哭張子二首

謁平臺先生墓

溫將軍輓詩

聞鄭生死豐沛舟中二首

右次悲悼十首

風

春夜雪

餘雪

春雪時 帝在宣府

立春日雪

鸚鵡

詠部鶴

詠鶯

詠白兔

鴈

衝鴈

白鴈

襄中見鴈

菊

菊時一種數本其一逾秋獨妍爰及至日黃華韡然

當庭見者駭歎攜酒來賞予賦二首

菊遲

文菊和王左史

葡萄

聞蟬

詠蟬

詠庭中菊

小燕

小雀

小鵲

右次詠物二十五首

五言排律

華嶽二十韻

新秋值雨十韻

五月大雨省中八韻

紀變二首

冬日靈濟宮十六韻

簡何舍人二十韻

少傅西涯相公六十壽詩三十八韻

在獄聞余師楊公誣逮獲釋踴躍成詠十韻

赦出館李真人別業顧侍講清暨汪編脩俊俊弟編

脩偉許枉訪不至十韻

赦歸冬日宴劉氏園莊十四韻

冬至劉氏園莊十韻

冬野觀射三十四韻

六月豫章城角樓宴集二十六韻

鄱陽湖十六韻

哭徐博士二十韻

南浦驛見官押送來降韃靼詣桂林

貢院雨夕柬僉寮內江李君十四韻

龍沙遇毛君武亭再餞

秋日訪王生山中因與攜酒躡嶠探蠻王洞觀古刻

遂踰嶺造峴石而飲二十二韻

寄陸子深二十四韻

送陳憲使淮上兵備

寄贈余子

雨宴封丘別第

黃君五十六歲始舉一子是年余亦有次郎黃冬官

也厥父尙書余故得侈其家世

秋日城東陂餞汪三

雪臺子家見杏花

贈王秋官二十四韻

贈復齋子二十韻

陶行人宅贈

漢上遇鍾參政

登盤山頂顧望三湖

右次排律三十一首

五言律六

凡三十五首

悲悼

乙丑逢先大夫誕辰是歲適蒙恩詔加贈製字

四十用寫哀痛

冬季十二日

老大思童日詩庭儼昔趨羈孤萬里外優渥死生俱寂寞
臨花誥幽冥列大夫西雲白蒼莽灑血望松梧

義追德爰成茲詠焉

矯矯江都相淒涼楚穆生家貧無立業道大不求名破甑
常蛛網空除任鳥行肯堂兄不忝應慰九原情

讀直道陳公祚遺事

上主能容直當言敢顧身累朝傳諫劄萬死作歸人古廟
穠花晚孤墳勁草春從來汨沒土特筆在詞臣

哭郡守郝公

征斂無休日斯人不永年曾聞溪虎避早見壁魚懸頌碣
留邊郡銘旌拂塞天九河一孤塚愁絕海門煙

哭張子

張子者平谷張子禴也以都御史鎮遼東顯矣然無
常種何卒李子者張之舊僚也聞之哀焉於是作哭張子
二章語曰歲在龍蛇賢人嗟張之卒庚辰歲也
虎豹威邊日龍蛇哭爾年故人今若此吾道合潛然部曲
歸旌擁風雲舊國連薊門秋草徧何處是新阡

其二

翰海龍真泣遼陽鶴竟歸壯心元鐵石神爽尙旌旂光繞

新埋劒香殘舊賜衣至今生仲達猶怯孔明威

謁平臺先生墓

豈說嬉游路今成昔雍門平生馬公帳四海孔融尊劒烏
收殘草山河抱古原黃昏不忍去白日下蒿園

溫將軍挽詩

不見千夫勇誰開百戰圍門猶森畫戟苔已蝕金衣俎豆
諸郎奮山河奕世輝黃昏兩白鶴偏繞北邙飛

聞鄭生死豐沛舟中

短劒英雄氣孤舟疾病身那知生別後竟作死歸人汴柳
詩筒斷江花總慢新白頭交誼者灑淚向殘春

其二

客櫬收豐沛歸舟渺越吳扶持有令弟書劒付遺孤墓草
親朋隔山松舊業蕪當年走馬地魂繞孝王都

詠物

風

冷閣晚猶急月牕宵漸輝稍驅雲霧散翻重雪霜威起坐
鑪須擁晨看木盡稀徘徊問氣勢恐逼漢宮闈

春夜雪

獨客初春夜孤城急雪時戰風纔白地欺月已平池數聽
鴻飛亂虛愁花發遲世無戴安道誰見剡舟移

餘雪

饑鳶側日過餘雪且紛紛風起惟催霧天空故縱雲回聲
捎竹細疊片壓枝分憂國非吾事占年亦自欣

春雪時 帝在宣府

鴉鳴曉雨至零亂忽成花着地融難白隨風弱易斜色應
疑燕雀寒恐滯龍蛇塞路今休擁春風返翠華

立春日雪

獨有梁園雪風花賦裏寒婆娑遇春日醉起倚樓看鳥動
紛離樹人來故上闌相逢亟農事誰暇問袁安

鸚鵡

鸚鵡吾鄉物何時來此方綠衣經雪短紅觜歷年長學語
疑矜媚垂頭知自傷他年吾倘遂歸爾隴山陽

詠部鶴

寄迹含香舍淹情嘉樹林長鳴如有訴狎俗到如今不染
風塵色常存霄漢心會應王子晉接爾向嵩岑

詠鶯

嫋嫋花絮亂交交黃鳥歸慙慙度碧葉迴轉惜金衣不向
豔陽語似傷儔侶稀王孫多彈射莫羨上林飛

詠白兔

趯趯來何處爰爰上玉堂不因丹竈躍那覩雪毛香晝日

行疑月炎天臥有霜異時歸搗藥莫礙廣寒光

鴈

旅館經花夕哀鴻時一聞孤鳴元趁侶亂語欲驚羣漸起
隨邊角遙傳隔塞雲更深何處落斜月轉紛紛

衝鴈

可怪鄱湖鴈昏飛猶自羣乍翻還近舸忽起盡隨雲浦闊
看疑小山長去不分祗疑南下盡猶阻北書聞

白鴈

八月白鴈至中宵聞爾哀亦知先伴起無爲報霜來月靜
飛難見雲深去不回故園消息斷愁病轉相催

襄中見鴈

秋風羣鴈過萬里順歸毛搖落已如此雲霄空白高盈盈
拂楚塞冉冉影湖濤定出邊烽裏哀鳴嗟爾勞

菊

日麗秋霜白天清野菊黃亦知甘隱逸偏得近壺觴屢折
元因醉斜簪一任狂乾坤傳舍耳節賞莫思鄉

菊時一種數本其一逾秋獨妍爰及至日黃華韡

然當庭見者駭歎攜酒來賞余賦二詩紀之

節過諸芳盡冬深爾獨妍那知冰雪候復啟菊花筵藥凍
黃逾嫩枝疎綠更鮮試令彭澤見應費掇英篇

其二

正色干嚴候殊姿破暮寒
名均梅自妬節晚竹同看
歲月陽回易冰霜爾立難
無言載酒客繾綣近闌干

菊遲

吾家數叢菊節近未含姿
種日人同早開時爾較遲
編籬護密葉繞砌嗅寒枝
切恐重陽至無錢足酒卮

丈菊和王左史

丈菊今朝得低垂九尺闌
發遲冬已破移早露猶團
食藥拏難及憐芳仰屢觀
縱令他處有爭伴醴筵歡

葡萄

舊榦疎曾訝新條密更垂苑花深悄悄風葉漫披披馬乳
秋同摘龍鬚世豈知相傳自西域種雜至今疑

聞蟬

夏林疎過雨秋意爾能知響入雲俱迴聲迴風故吹抱貞
惟隱葉避害屢跳枝多少垂楊裏爭吟日暮時

詠蟬

孤清不自掩浥露且風吟漸送炎蒸月那知獨苦心傍齋
棲樹穩響葉度雲深已信一枝足何須上國林

詠庭中菊

亦隨羣草出能後百花榮氣爲淩秋健香緣飲露清細開